

Universitätsbibliothek Paderborn

Ioannis S. R. E. Cardinalis Bona Opera Omnia

Tribus Tomis comprehensa

De Divina Psalmodia, Ejusque Causis, Mysteriis, Et Disciplinis, deque variis
Ritibus omnium Ecclesiarum in psallendis Divinis Officiis, Tractatus,
Historicvs, Symbolicvs, Asceticvs. Sive Psallentis Ecclesiae Harmonia -
Opus novum, & curiosum, ac multiplici eruditione illustratum ... Operum ...

Bona, Giovanni

Parisiis, 1678

§. 3. Tertia ratio ex Hugone Victorino. Quarta ex communi scriptorum
sententia ob Dominicae Passionis memoriam.

urn:nbn:de:hbz:466:1-9929

tavit. Stellas verò præsentes velat in die, dum Sanctos in gloria suæ præsentia à mundi tenebris cœlat. Stellas in nocte absens illuminat, quia justos in nocte hujus vitæ illustrat. In nocte ergo duodecim psalmos, & in die totidem psallimus, quot horis stellas, à sole undiqueversum illuminari diximus, quatenus nos Christiani in baptismate stellæ facti ab æterno sole in omni hora illuminemur, si Dominum in omni tempore benedicentes veneremur. Optimè S. (q) Eligius; Cui dicendum est, oportet semper orare, & non desicere, nisi ei, qui canonicis horis quotidie, juxta ritum Ecclesiastice traditionis, psalmodiis precibusque consueatis Dominum laudare, & rogare non desistit? & hoc est quod Psalmista dicebat, (r) *Benedicam Dominum in omni tempore, semper laus ejus in ore meo.* Septenario enim numero, inquit (s) Primasius, universitas figuratur, propterea canitur; *Septies in die laudem dixi tibi;* quod alibi dicit, *Benedicam Dominum in omni tempore, semper laus ejus in ore meo.*

§. III.

*Tertia ratio ex Hugone Victorino. Quarta ex
communi Scriptorum sententia ob Dominica
Passionis memoriam.*

I. **T**ertiam rationem tractat (t) Hugo de S. Victore. Octo horas sancti Patres præ cæteris ad laudandum Deum elegerunt, medium scilicet noctem, diluculum, Primam, Tertiam, Sextam, Nonam, Vesperas, & Completorium. Quia dignum est, ut homo, qui corpus gerit ex quatuor elementis, quater respectu noctis, & quater respectu diei per diem naturalem Deum sibi placare satagat. Et cum omni tempo-

^q Elig. hom. 11. ^r Psalm. 33. ^s Primasii lib. 1. in Apoc. cap. 1. ^t Hugo cap. Speculi de Ecclesiæ mysteriis,

58 DE CAUSIS INSTITUTIONIS

re laudandus sit Deus, potissimum in prædictis horis laudatur ab Ecclesia, in quibus opera præ cæteris insignia dignatus est facere. Nocte enim media natus est de Virgine, dilucido surrexit, hora prima mulieribus ab Angelis nunciata est Resurrectio, hora tertia Spiritus sanctus inflammavit Apostolos, hora sexta crucifixus est Dominus, hora nona emisit Spiritum pro salute mundi. In Vesperis commemoramus adventum Domini in mundi vespere. In Completorio compleatum erit gaudium Sanctorum in die generalis retributionis. Hæc Hugonis sententia cuiquam suboscura videbitur, dum orationem à nobis fieri commemorat quater in die, & quater in nocte. Sciendum proinde est, ex his, quæ infra dicentur, Primam dumtaxat, Tertiam, Sextam, & Nonam horis diurnis: laudes vespere, Vesperas, & Completorium, cum Nocturnis nocturno tempori ab illo assignari. Nam & laudes ante soles ortum, Vesperæ autem, & Completorium, vel post vel circa ejusdem occubitum olim celebrabantur, ut suis locis ostendemus.

II. Quarta ratio omnium Scriptorum calculo approbatur, quam eleganter explicant (*u*) Rupertus Abbas, & (*x*) Gemma animæ. Ad conservandam enim copia Redemptio memoriam septies in die laudem dicimus Domino, juxta vulgatissimos (*y*) glossæ versiculos.

Hæc sunt septenis propter quæ psallimus horis.

Matutina ligat Christum, qui crimina purgat.

Prima replet sputis. Causam dat Tertia mortis.

Sexta cruci neicit. Latus ejus Nona bipertit.

Vespera deponit. Tumulo Completa reponit.

Plurimi Auctores è Canonistarum populo alios recitant versus, sed historicæ veritati non omnino conformati: nam Resurrectio ante primam horam facta est,

u Rup. lib. 1. de di. officiis. *x* Gem. lib. 2. c. 55. *y* Glos. in cap. 1. de celebre Missarum.

& quod de hora duodecima dicunt, in Evangelio non legitur.

In matutino damnatur tempore Christus.

Quando resurrexit Primam canit ordo fidelis.

Tertia cum canitur tunc est cruciamina passus.

Sexta sunt tenebre per mundi climata factæ.

Emissus Nona est divinus Spiritus hora.

Vespere clauduntur Christi sacra membra sepulchro.

Christo biserna custodia ponitur hora.

Hæc potissima ratio est, ob quam his horis divina celebrantur officia: hæc præcipua mysteria sunt, quibus, dum psallimus, insistere debemus: Nihil enim, juxta (z) Magni Leonis sententiam, inter omnia opera Dei, in quibus humana admirationis fatigatur intentio, ita contemplationem mentis nostræ & oblectat, & superat, sicut Passio Salvatoris. Atque utinam possem omnibus horis, ac momentis vitæ meæ tam beatæ Passionis, tam vivificæ mortis recordari, à qua vita, & resurrectio mea, & omne bonum meum procedit. Plus enim mihi contulit Dominus redimendo, quam creando; creando quippe me mihi dedit, redimendo verò & seipsum dedit, & me reddidit mihi. De nihilo creatus sum, sed non de nihilo redemptus. Flagella, spinas, clavos, & crucem sustinuit amarissimam, totumque sanguinem effudit, ut me vitæ sempiternæ participem efficeret. Vade igitur anima mea ad montem myrræ, collige tibi fasciculum ex omnibus amaritudinibus Domini tui, & dic cum anima dilecta, (a) *Fasciculus myrræ dilectus meus mihi, inter ubera mea commorabitur.* Hunc fasciculum, si semel collegero, nemo tolleret à me, inter ubera mea commorabitur. In hoc justitiæ consummatio; in hoc scientiæ plenitudo, in hoc divitiæ salutis, & copia meritorum. Hæc mea sublimior Philosophia, scire Jesum, & hunc crucifixum. Nullibi melius discitur quid sit sanctitas, quid sit perfectio,

¶ Leo ferm. 11. de Pass. Domini. a Cant. 1. 12.

60 DE CAUSIS INSTITUTIONIS
quam in vulneribus Salvatoris. Nulla efficacior medici-
cina ad purgandas animæ fordes, ad curanda conscienc-
tiæ vulnera, quam Christi vulnerum meditatio. Horum
non obliuiscar in æternum, quia in ipsis vivificatus sum.

M E T R U M I V.

CVrrite sanguineis lacrymarum flumina rivi,
Et corde ab imo tristis exundet dolor.
Erumpant moriente Deo suspiria, & intus
Occulta amoris æstuent incendia.
Ite manus nocuæ, sceleratum tundite pectus,
Vindexque apertis sanguis è venis fluat.
O fluat, & totus detur pro sanguine sanguis,
Measque culpas diluat fusus crux.
Dicite vos cœli, vos conscia funeris astra,
Si majus unquam polluit terram nefas.
En jacet exanimis soboles æquaeva Tonantis
Damnata ligno, crimina ut mundi luat.
Spinea ferta caput præcingunt, membra cruentis
Discerpta virginis sanguinis rivos pluunt.
Omnis abest species, notam dignoscere formam,
Notosque vultus ipsa vix posset parens.
Horruit aspectus, Ænisisque in nubibus æther
Phœbique, siderumque condidit faces.
Aeternas populi mundo timuere tenebras,
Straxitque mœstus anxias gentes pavor.
Grandia terrificis sunt saxa excussa ruinis,
Et ipsa trepido terra subfiluit solo.
Scilicet (ô superi cur non emittitis ignem ?)
Cur non ferocem armatis in me dexteram ?)
Scilicet (ab scelerum nimis improba causa meorum
Quæ lucis, & vita reum Numen facis.)
Scilicet interitum summi gemuere parentis
Quæcumque cali continentur ambitu.

DIVINÆ PSALMODIÆ. CAP. II. 5

Et vos mortales tantorum causa malorum
Siletis? & non irrigat fletus genas?
Ah fluite, ô lachrymæ totoque corpore sanguis.
Ut sole nix soluta, rivis effluat.
Ecce sitit moribundus Amor, date pocula Amantes,
Amoris haustum Rex amantium sitit.
Nempe sitit lachrymas, lacrymæ ne arescite: vestro
Sedare fletu fervidam cupit sitim.

§. IV.

Quinta, & sexta ratio in gratiarum, actionem
ob divina beneficia. Septima per analogiam
ad ætatem humanam. Addita quædam de
brevitate vite.

I. **Q**uintò septem distinctis horis servitutis nostræ
pensum reddimus Deo, ut pro creationis be-
neficio septem diebus peracto creatori gratias agamus.
His accedit octava nocturnæ vigiliæ hora pro spe re-
surrectionis, quam media nocte futuram plerique (*b*)
doctiores sentiunt, tum quia Dominus se venturum
ad judicium tanquam furem in nocte prædixit: tum
quia media nocte de adventu sponsi excitatum clamo-
rem in parabola fatuarum & sapientum Virginum
legimus. Facem mihi prætulit ad hanc rationem
astruendam (*c*) Rupertus Abbas his verbis. Septem
canonicas horas diei non licet à quoquam, qui in con-
spectu Dei vacuus, & ingratus apparere nolit, negli-
genter præteriri. Hæ si quidem creatori nostro defe-
runt laudes, & pro certis, ac magnis ejus beneficiis
quasi vectigales sunt gratiarum actiones. Ut enim ce-
cinit (*d*) Prudentius.

Quod generosa potest anima

b Ambros. Hieron. Chrysost. August. &c alii apud Suarez in 3. p. To. 1.
disp. 30. sect. 10. *c* Rup. lib. 1. de div. off. cap. 1. *d* Pruden. Cathini.
hymn. 3.